



Komunikado

6 di juli 2018

Señora Hellen van der Wal nombrá komo miembro di Kolegio di supervishon finansiero Aruba (CAft)

Oranjestad – E sekretario aktual di Konseho di Konsulta di Aruba, Señora Hellen van der Wal, entrante 1 di ougùstus 2018 lo tuma asiento den Kolegio di supervishon finansiero Aruba (CAft). El a keda postulá pa Aruba i e lo ta susesor di e aktual miembro Señor Robert Croes. For di e momento ei Señora van der Wal lo renunsiá su funshon di sekretario di Konseho di Konsulta. Señora Van der Wal ta trese kuné su amplio eksperensia den e aparato gubernamental i su ekspertisio hurídiko. Presidente Raymond Gradus: “Mi a siña konosé señora Van der Wal komo un profeshonal ku un kurason grandi pa e kousa Arubiano. Mi ta warda ku interes nos futuro kolaborashon den CAft”.

Dia 6 di yüli Konseho di Minister di Reino a bai di akuerdo ku nombramento di Señora mr. dr. Hellen van der Wal den Kolegio di supervishon finansiero di Aruba. Señora Van der Wal tin amplio eksperensia trahando den gobièrnu di Aruba i den Konseho di Konsulta di Aruba (RvA), di kual e ta sekretario for di 2004. Promé ku esei el a okupá vários otro funshon den e aparato gubernamental di Aruba. Den Konseho Konsulta e tabata ko-responsabel pa e evaluashon ekstensivo di e presupuesto di Pais Aruba kual e Konseho di Konsulta ta ehekutando aktualmente. Ponemento di e proseso presupuestario den un konteksto konstitushonal ta su kontribushon mas importante den e evaluashon ei. Ku su background hurídiko i su konosemento di gobièrnu Arubiano i finansa públiko di Aruba, e lo duna un kontribushon valioso na CAft, kual insesantemente ta keda hunga un rol importante den e tempunan aki ku Aruba ta konfrontá basta reto.

Hellen van der Wal ta sigui Señor Robert Croes, kende for di 1 di ougùstus 2015 tabata miembro di CAft. Señor Croes tabata envolví for di inisio den CAft i konhuntamente ku e otro miembronan el a dal e promé pasonan importante den supervishon di finansa públiko di Aruba. Awor por sigui konstruí riba e fundeshi aki. Presidente Gradus ta gradisí señor Croes pa su esfuerso i envolvimentu den CAft.

Entrante di 1 di ougùstus 2018 CAft lo konsistí di señores Raymond Gradus (Presidente) i Henk Kamp (riba proposishon di Hulanda) i señora Van der Wal (riba proposishon di Aruba).

[Fin di e komunikado]

Teksto pa foto:

Hellen van der Wal lo tuma asiento den Kolegio di supervishon finansiero Aruba (CAft) entrante 1 di ougùstus 2018.

Foto:

CAft

Nota pa redakshon – no pa publikashon

Persona di kontakto na CAft:
Sekretariado di Kolegio di supervishon finansiero Aruba
Manus Twisk - Sekretario
Telefòn (+5999) 461-9081 / (+5999) 461-9082 / (+5999) 461-9084
Email info@cft.cw
Internet www.cft.cw

Persona di kontakto pa Prensa:
Jefka Martina
Telefòn (+5999) 512-6861